

玄覽堂叢書

第十一冊

請封等項俱與原議不合應該停畱在彼候勅
承襲日查照上年謝

恩脩

貢事理另議放進入關已經會本具

題及案仰廣西都布按三司各行掌印并左江道
守巡叅將官行委南寧太平二府衛掌印官并
督備指揮卞爵訪查安南都統使莫福海是否
於前項月日病故莫宏灑是否莫福海嫡子要
見係是福海妻某氏於何年月日所生即今見
有若干歲應否承襲都統職事如果應該宏灑



承襲別無遺礙就便取具該司所屬宣撫官目
人等供結并宏灑親供宗圖同委官不扶重井
結狀具由通呈以憑會議具奏定奪續據督備
龍憑地方指揮卞爵稟爲被夷賊燒毀安南大
關事文經通行左江海北二道守巡官督屬訪
查勘報續據分巡左江道僉事俞則全稟據太
平府掌印知府周允南寧府推官黃晃南寧衛
指揮戚章督備龍憑地方指揮卞爵稟稱會同
前到龍憑二州坐待命勘莫宏灑應否承襲已
經四次移文促取所屬官目耆士人等齊赴鎮

州收審及稱有夷船四十餘隻突至龍門江口
官涌等處打劫有備倭百戶許鎮督軍對敵弓
矢用盡賊衆猖獗擄去百戶許鎮救傷落水身
死隨據鄉夫甘奎殺獲賊級一顆解州并據蘆
州府衛各申稱有夷船五十餘隻分散各港烏
雷白皮壕利木涌等處行劫當督備倭官軍兵
壯追捕鄉夫蔣三殺獲賊級一顆被賊殺死打
手李填等二名等因各前來又經會行督催分
巡海北道僉事陳崇慶親詣欽州駐劄嚴督各
該官兵人等加謹防捕并查究各該失事人貢

叅報及行按察司會同布政司選委將官前去
欽州駐劄提調布政司文軍餉銀一萬兩發廉
州府貯候召募狼兵工食支用續據廣東按察
司呈詳再問過犯人孫正等招罪并叅各官違
犯緣由又該臣會批依擬孫正固監會審奏
請詳決馬銳准辯贖完還職餘照發落取實收附
照千戶趙繼文遵照欽奉

勅諭內事理提問招詳指揮湛翺姑行該道戒飭又
據廉州府衛各申稱碣石衛哨軍杜康榮等擔
酒米往河洲糶賣行至羅浮地面被夷賊八十

子儀武秩等同心保護并差人齎遞文書告哀
申請緣被逆目阮敬以先都統使莫登庸義養
子得專兵柄陰蓄異圖先以其女嫁莫宏漢親
叔莫敬典因得媚事莫敬典母武氏其阮敬見
莫宏漢幼弱圖欲婚莫敬典管司事本年九月
二十七日阮敬託故回山西路慈蕪鄉西僖社
擁兵聚衆本月三十日夜時潛使人誘莫敬典
回阮敬家十月初九日阮敬與莫敬典并阮敬
子阮有命阮有奉及親弟阮凱康徒黨屈槃阮
曙等稱兵逼犯本司都城其鄧文值阮如桂等

不得已共扶莫宏漢暫出避于海陽路御天縣
本月二十九日阮敬與莫敬典并其子命奉及
徒黨黎康等以兵追脅莫宏漢還本司都城因
此挾制幼孤擯弃舊人多樹黨與圖危莫氏又
縱兵燒掠海陽路各府縣人民騷動由是先都
統使莫登庸第二子莫正中與族人莫福山莫
大度莫履遜莫履祥莫睿莫仁智莫仁浹莫文
明莫宣并宣撫鄧文值阮如桂范金梧阮邦寧
丁伯潭裴敬信等徵集海陽山南交北安邦又
安順化各路兵共討阮敬之罪保護莫宏漢以

安莫氏已差人馳赴鎮南關申訴被阮敬先已
使其黨黃金圭遏截諒山衝要去處燒毀關隘
道路梗阻不通莫正中猶分差鄧文值阮如桂
阮邦寧范金梧丁伯潭裴敬信范子儀阮旭阮
現等統領兵馬分道搜捕阮敬與其黨阮凱康
黃金圭等待敬黨就誅轄內輯睦關隘路通即
差人齎遞文書詣鎮南關交付憑祥州守關頭
目轉達外合牒貴州知會轉報施行又據欽州
時羅都尙長謁天縫黃濂呈稱莫福海故衆目
推扶莫宏翼官司其莫繼中係莫登庸之子莫

方瀛之弟莫福海稱之叔父莫宏漢稱之祖叔
父至二十五年十月初七日同鄧文值阮如桂
統兵欲殺阮敬阮敬聚兵復進交城莫繼中鄧
文值阮如桂等亦走出海陽府御天縣駐劄其
莫繼中於二十六年正月初一日亦立爲都統
今改名莫正中日逐相殺不寧其阮敬兵多熟
旱路莫正中兵多熟水船以此未見勝敗等情
到府備申前來又據欽州申爲地方事內開嘉
靖二十六年六月二十日據嵩長禡天縫黃濂
稟稱莫文明等欲來投生本州差據巡檢楊慶

等遞到安南夷目莫文明白布旗一面上書安
南夷目投生六字并開投順男子莫文明武廷
光曾如温阮烟等大小共五十四名婦女二十
三口外詞狀一張告爲被本處大亂乞避難投
生事并據廉州府及提調欽州四崗地方廉州
衛指揮僉事孫正各呈申嘉靖二十六年七月
初九日據備倭百戶吳鑑差小旗章廷用廖洹
等并蛋老符來任各報稱安南夷目莫正中莫
福山莫邦禎莫元替莫元烟等駕船二隻見來
地名大頭海上等處駐劄離城約有五十餘里

連遞到安南都統使子投生白絹旗一面狀一
張開男婦五十八名口等因俱該都御史張

行據分巡海北道僉事陳崇慶呈稱親詣欽州
差千戶趙繼文等將各夷譯審據莫文明莫正
中等供稱二十六年六月初八日被阮敬加兵
古齋社追逐莫正中勢弱莫文人各走散仍到
永安州駐劄本月十八日莫正中差族人莫文

明先赴

天朝投生本月二十六日再見阮敬差兵到永安州
追逐莫正中莫福山等其勢已逼不敢擅專等

情隨於欽州商稅銀內支與各夷口糧并量處
牛酒犒賞及行蕪州府於城外空閑去處搭蓋
房屋支給糧米撫養其投生男婦即行千戶相
鐸嚴緝帶領狼兵護送該府安插防守及差官
伴送夷目莫文明莫正中等前赴呈乞詳審等
因又經諫仰蒼梧道分巡官督同梧州府知府
翁世經太平府知府周允坐營都指揮孫瓊譯
審續據分巡左江帶管分巡蒼梧道僉事俞則
全呈據知府翁世經等呈稱譯審得莫文明等
供稱先都統使莫登庸生嫡子莫方瀛庶子莫

正中等方瀛娶正妻武氏疇生嫡子莫福海次
子莫敬典等莫方瀛未襲先故後莫登庸亦故
莫福海承襲前職莫福海娶正妻潘氏於嘉靖
二十一年生嫡子莫宏灑二十五年五月初八
日莫福海出痘瘡病故例應莫宏灑聽襲彼時
申報軍門訖所有

天朝原賜

勅書付與莫宏灑時方五歲三幼係伊祖母武氏疇
代收有本路姦目阮敬係山西石室縣人莫登
庸存日養爲義子聽信用事一向執掌兵權莫

敬典因娶阮敬女爲妻阮敬向與武氏璿丞通
莫福海故後阮敬見莫宏灑幼弱莫敬典係伊
女婿遂與各自黎國禎武公彥阮唯深相結納
又與阮如桂鄧文值杜世鄉范金梧阮邦寧丁
伯潭范子儀裴敬信武秩阮現阮旭等睚眦不
睦本年十月初八日阮敬託故回伊原籍山西
石室縣慈廩鄉去交城止隔一二里至十二日
夜阮敬遣子弟請莫敬典亦赴伊營隨統率日
兵逼犯交城追逐莫宏灑時阮如桂鄧文值范
金梧阮邦寧丁伯潭范子儀裴敬信武秩阮現

阮旭等勢不能支乃同族人莫正中與文明等
共扶莫宏灑并母潘氏走出海陽地方華陽處
所居住時武氏回宜陽縣都齋社殯葬莫福海
未回鄧文值等隨往都齋請武氏同伊姪武公
彥就華陽與莫宏灑同住武氏私意將宏灑同
回阮敬營晉武公彥在莫宏灑營防守本月二
十八日莫文明范金梧武秩見勢不得已乃同
莫宏灑還入交城時阮如桂等差遣防守各處
未回阮敬益漸專擅事務文明等只得避回都
齋地方居住其阮如桂鄧文值范金梧阮邦寧

丁伯潭范子儀裴敬信武秩等意各有所不平
乃辭宏澤俱歸田里嘉靖二十六年正月內阮
敬起集山西子弟并脅從交北山南一半地方
部下目兵不知的數侵海陽地方燒燬民家累
至逼犯都齋阮如桂鄧文值范金梧阮邦寧丁
伯潭范子儀裴敬信武秩阮現阮旭等同莫正
中率海陽所屬宜陽安老水棠炭山東潮金城
新明永穎清河青林等縣目兵共禦之本年三
月內阮敬又差兵追逐莫正中與阮如桂鄧文
值阮延祚陳必聞等到安邦地方各人走散生

死未知六月二十六日阮敬又差兵追到永安
州莫正中與文明係同輩見阮敬行事犯分恐
危莫氏無所依倚帶同妻子及同事人等奔赴
天朝投生等情又據本官呈據督備龍憑地方指揮
卞爵呈據安南文淵州申稱嘉靖二十五年十
一月內官族莫正中莫文明并屬官阮如桂范
子儀裴敬信等嘯聚叛黨在於海陽地方莫正
中欲爭都統官位至二十六年五月內莫福海
子莫宏瀛差官族莫敬典并宣撫同知黎伯驪
莫敬等督率兵馬剿捕莫正中阮如桂等得獲

逆阮如桂等解莫宏翼尚有餘黨俱各歸服止
有莫正中莫文明范子儀裴敬信等逃往廣東
欽州邊界投生莫文明等非言妄揚欽州誤信
稟報軍門見今都統司莫宏翼見存在司莫敬
等守護大小官民歸服聽候

天朝命令至日備貢等因該都御史張 會同鎮守
兩廣地方總兵官征蠻將軍太保兼太子太保
平江伯陳 具本題

請將莫正中莫文明莫福山等量照投降達目事
例於廣東不近安南府縣權暫安插莫正中莫

文明莫福山三名係莫登庸的親子姪比照總旗每月給米二石其餘同來男子每月給米一石其柴薪各比達目減半每名每月給銀二錢俱於在官倉庫內正支倘或身故有妻子者一體支給及行左江海北二道分巡官查勘莫宏翼有無存亡先年頒給

勅甲見係何人捧守未報續准兵部咨爲夷目投生事該都御史張等題前事本部覆議合候

命下移咨提督兩廣軍務侍郎會行鎮守總兵官及巡按廣東監察御史將夷目莫文明等照依議

處事例安插相應地方支給食米柴薪仍作速查勘彼中事情有無安輯先年頒給

勅印見係何人捧守一面嚴行各該海道兵備守把
人負用心防範不許怠忽縱令侵擾地方候勘
報至日通將議處事宜具奏定奪等因具題奉
聖旨是安南事情着提督鎮巡等官作速查勘明實

奏來不許怠延欽此欽遵備咨前來轉行廣東
布政司欽遵將莫正中等於分定居住府縣權
暫安插支給糧米柴薪及行催左江海北二道
守巡官欽遵查勘如莫宏灝見在各該官目者

士人等扶護宏漢正身尅期齊赴鎮南關聽候
委官審勘承襲緣由明實取具該司所屬宣撫
官目人等歸一供結并莫宏漢親供宗圖覆查
的確具由通呈以憑會議奏

請續於嘉靖二十七年五月二十日據督備龍憑
地方指揮戚章稟稱差據軍人謝亮等回稱訪
得莫福海生莫宏漢號永定近於本年二月內
生疽瘡故今該司又改號景曆初年未知何人
承襲等因又行左江道守巡官併勘未報該臣
接管督催嘉靖二十七年八月二十六日據督

備龍憑地方廣西潯州衛指揮卞爵呈繳安南
都統使司應襲都統使莫宏翼申爲歲貢事內
稱莫宏翼欽照

天朝事例安南三年一貢并查安南故事黎氏先國
王故黎灝薨歿其世子黎暉未奉襲爵仍照依
貢期差遣陪臣阮觀賢范盛黎俊懋等齎捧

奏啓本

表箋文并方物進

貢臨時并蒙軍門委負開關行撥兵夫遮送如例
并莫宏翼欽照先年

勅書授莫宏漢先祖莫登庸以都統官職轉給印信
仍與子孫世襲准令脩貢欵此莫宏漢竊慮親
父先都統使莫福海於嘉靖二十五年五月初
八日病故本月初十日莫宏漢遵奉遺囑權統
司事稟有申文齋稟軍門待爲祈請襲職雖未
該奉

朝命然今恭遇

貢期莫宏漢謹遵照先年

勅書仍做如先國王世子故事委差宣撫同知阮倩
副使謝洵僉事阮秋光等齎捧

奏啓本

表箋文并方物已於本年四月十一日起發任關候
命望乞軍門責委諸司照舊差負前來鎮南大關限
日開鑰仍行撥兵夫遞送所差使目阮倩等得
便進程庶莫宏灑奉

上之誠幸而上達而

天朝字小之仁益以下究等因到臣看得莫宏灑申
稱委差夷使任關脩

貢乞要責委開鑰遞送起程一節查係該司應貢
之期本應照例行委會官秤盤起運但查莫宏

漢先次具申告哀

請封進

貢因與兵部原議不合駁行勘結未報續據夷目
莫正中等投生赴訴內稱莫宏漢年當五歲阮
敬欺其幼弱肆行稱亂追逐莫漢等情亦節經
行查未報又查蕪州府行據安南海東府牒報
與莫正中等訴稱前情大畧相同又據督備龍
憑地方指揮戚章稟稱訪得莫宏漢於本年二
月內生痘瘡故今據該都統司申請進

貢見係應襲莫宏漢權管司事則與前項事情迥

然不同又經行催左江道守巡叅將官速委南
寧太平二府掌印官并督備龍憑地方指揮下
爵親詣鎮南關將該司差來宣撫同知阮倩等
會同審勘安南都統使莫福海是否於前項月
日病故莫宏灑是否莫福海嫡子及嫡妻某氏
何年月日所生即今是否見在權管司事曾否
於何年月日患痘其權管司事見係何人扶護
原賜

勅書印信見係何人收掌該司官屬地方見今有無
和睦彼時因何燒燬關道駁行勘結因何久不

回報如無別故暫令回關聽候仍行附近長慶
諒山等府覆查明白具結申報議處續據廣東
按察司整飭兵備兼分巡海北道僉事陳崇慶
呈據廣西太平府呈送原差崗長禡天縫總旗
林清齋執安南都統使司申本道公文一角內
開應襲都統使莫宏漢申爲地方事情事內稱
崗長禡天縫總旗林清齋來帖文該奉分巡海
北道議委指揮孫正督同禡天縫抵勘安南事
情奉此莫宏漢竊慮宏漢係先都統使莫福海
嫡子應該承襲緣被族惡莫正中起賊圖奪職

位賴有合司官目盡力扶持各轄路民照舊安帖莫宏漢今在司城捧守

勅印權統司事累有行文申稟軍門及諸上司節奉牌文行令莫宏漢赴鎮南關候勘莫宏漢已委宣撫阮棻萃阮倩等齎文繳報督備龍憑指揮戚章乞限宏漢護將

勅印并帶領宣撫莫敬等抵關聽審而未奉依期按臨今蒙守備指揮孫正督差裨天縫等前來查勘莫宏漢就便委官伴遍裨天縫等回司仍與接見并委付耆舊官目黎伯驪陳棐等捧將

天朝原賜祖父都統銀印一顆及

勅書二道并通年使臣順齋

勅諭三道聽禡天縫等審看并行令族目莫仁廣莫
大度等及各該官屬人等數百員名并曾差稟
軍門及赴京謝

恩修

貢范光佐范正毅等及該司舊時官目前被莫正
中脅去今已回司首服應務如鄧文值范金梧
等一同前來證驗莫宏漢即遵照來帖回文并
奉具親供宗圖及所屬官目供結一樣四本付

天朝憲綱中等因到道查得嘉靖二十七年六月初一日據指揮孫正呈據安南海東府官范恒心等差隘目裴廷猷齎遞公文一角爲地方事內稱嘉靖二十五年五月初十日該司應襲都統使莫宏灑遵奉先都統使莫福海遺囑權管司事就年九月先都統使莫登庸庶孽莫正中見莫宏灑年幼潛與姦目阮如桂范子儀裴敬信

而正中叛黨無所漏生於
達軍門上司會照庶該司的實事情得以上達
天朝憲綱中等因到道查得嘉靖二十七年六月初
一日據指揮孫正呈據安南海東府官范恒心
等差隘目裴廷猷齎遞公文一角爲地方事內
稱嘉靖二十五年五月初十日該司應襲都統
使莫宏灑遵奉先都統使莫福海遺囑權管司
事就年九月先都統使莫登庸庶孽莫正中見
莫宏灑年幼潛與姦目阮如桂范子儀裴敬信

等謀竊都統官位舊時官目鄧文值范金梧等并族屬莫文明等俱被他誘去作叛時該司叔父莫敬典暨耆老官目黎伯驪莫敬等聲義討正莫正中懼誅逃于海陽安邦路嘯衆作亂卽月該司差莫敬典等提兵攻剿阮如桂等伏誅其黨裴敬信等并他脅去官目鄧文值等一齊首服效順莫正中蒞庶弟莫福山并族屬莫文明等越漏

天朝廣東欽州界投住其所捏詞誣訴委是虛妄其餘黨范子儀逃于安邦路海岸險處時或誑擾

所在邊民該司仍行委莫敬典莫敬等領兵追
剿以安地方莫宏灑方在交城謹收掌

天朝原賜

勅印其族目莫敬典官目黎伯驪莫敬等協同心力
匡扶管理司事以安轄內民目如軍門勘襲重
大事體恒心等不敢隱蔽伏希呈稟仍提莫正
中等正身就將所安挿男婦人口依數抵鎮南
關交付諒山宣撫司領回該司處治以正亂賊
之罪等因又據蘆州府并欽州申繳抄白指揮
孫正送出莫宏灑族目莫宣等并范子儀供詞

各一本并據欽州申據崗長黃溥禡寵遞到安
南海東永安萬寧三府州會行公文一角內稱
宣撫使范子儀是安南忠蓋之臣所行等事並
與莫氏匡復圖誅姦目阮敬以迎莫正中回管
夷民而已莫福海子莫宏漢果於今年二月內
被阮敬安置別處染痘瘡病故阮敬避居山西
三島僭爲國王僞改年號景曆等情各到道叅
看得范子儀供詞專指莫宏漢已故莫正中當
立犬各吠非其主理則有之及據莫宏漢申文
并宗圖供結俱用我

朝原降印文甚爲明白可驗而宗圖枝派亦各分折曉然况經崑長禡天縫總旗林清親至彼中即遣迎如禮捧將

勅諭印信與各驗看而官屬莫仁廣等數百員名一具帖通名各申叩見仍護送出疆其視范子儀之狼子野心敢於制縛職官僭干

國紀者萬萬不侔及范子儀止具供詞不開宗圖結狀中間必有隱情難於顯言者况其所用印信皆夷方僞造不成篆文自與我

朝降給者迥別再查莫宏灑所開宗圖莫正中係

莫登庸庶生第四子就使莫宏澤不在彼尚有
親弟莫敦彛以倫序推之應否莫正中承襲但
夷情重大狡譎難測合無嚴行廣西左江道從
鎮甯關正路覆勘等因連將繳來宗圖供結各
一本抄白原奉

勅諭并銀印字號共六張繳到臣又據尚長楊天縱
等齎繳安南都統使司應襲都統使莫宏澤申
同前因查行間續准兵部咨爲保留良將以安
邊方以弭夷患事該臣等會題保留廣東都司
改遷福建都司署都指揮僉事俞大猷仍以原

職添註廣東都司專一駐劄欽廉地方防捕夷
賊緣由本部覆議題奉

聖旨俞大猷依擬用安南事情着總鎮等官勘議回
奏欽此欽遵備咨前來欽遵施行外又據廣西
太平府申准本府知府周允南寧府知府曾汝
檀督備龍憑地方指揮卞爵關稱各奉坐委於
嘉靖二十七年十二月十六日齊到鎮南關會
勘時諒山路宣撫武弘武當武萃亨等各至審
稱莫宏灑見在管事

天朝

勅印係母子收捧阮敬退休同黎伯驪阮拔萃等輔
相其范子儀劫掠海東兵多餓死等情卽行諒
山長慶府并都統司速取回報隨據諒山路回
文及遞到宣撫同知黎伯驪武公彥等供詞各
稱先都統使莫福海於嘉靖二十五年五月初
八日病故遺囑嫡子莫宏灑權管司事其莫宏
灑的是莫福海嫡妻潘氏於嘉靖二十一年壬
寅六月日所生見今在司管事有叔莫敬典并
黎伯驪莫敬等相與扶護其

天朝原賜

勅印當在莫宏漢掌守轄內地方俱各安輯先時燒
燬關道委是諒山路文蘭州土目黃金圭造惡
該司已正其罪其莫宏漢親身康健別無他恙
惟舊時宣撫范子儀係莫正中叛黨竄居海岸
該司已撥軍兵征討若宣撫莫敬係義同休戚
忠實不二的無起禍圖僭莫宏漢先已累差官
目阮倩黎光貴等捧將方物住關久候修貢等
情備申前來節催各官會勘續又據太平府知
府周允督備龍憑地方指揮孫文繡會呈稱各
於嘉靖二十八年五月初二日齊到鎮南關勘

據該司差來宣撫阮拔萃阮倩等稱說莫宏漢
的係莫福海嫡妻潘氏於嘉靖壬寅年六月二
十八日所生該司官目扶護捧守

天朝

勅印管事地方俱各安輯早望軍門容令通貢乞押
莫正中莫文明等到關割領回司完備族屬恩
義其從黨男婦名口亦望照舊回貫及稱貢物
先差宣撫副使黎光賁僉事阮禮匡楊維一等
齋至壽昌驛守住年月已久未蒙示下等因職
等再三細審宏漢存亡是否其阮拔萃阮倩等

卽就苦留各職駐劄龍州待其就願回司扶護
莫宏灑限五月十五日親身到關面勘明實庶
免重煩職等思之宏灑幼冲係是小邦之主倘
一至驗彼司未免動數千之師扶行我

天朝正係農忙之時亦未免行令思明龍州等處地
方戩兵壯威况值瘴毒之地酷暑炎蒸之際道
途之勞供給之費彼此甚是不便且今已再三
嚴審明白仍復博採輿情并與先差頭目農昌
土民閉均禡在等密察得真宏灑實是嫡母潘
氏所生見存無疑其稱貢物見出壽昌驛等候

此乃年例之貢等因又據各官差人齎繳安南
都統使司應襲都統使莫宏灑申爲乞奉

天憲以安地方事開稱宏灑自受囑權事來惟遵依
天朝原降先祖父

勅諭撫理人目安靜地方比因族孽莫正中起亂於
海陽撫路合境人民聲義討之于時莫宏灑幼
未及知今覺慮正中乃先祖都統使莫登庸庶
子圖僭作叛未必出於本心祇緣奸臣阮如桂
范子儀等之所脅誘以致惹罪然

天道好還無毫髮爽如桂果不旋踵隨即送尸正中

懼罪走透

天朝安插然好善惡惡天下同情今

天朝旣示好生之廣該司何忍惡惡之甚宏澤仍差
宣撫阮拔萃阮倩等前赴鎮南關聽候督備龍
憑地方指揮孫文繡太平府知府周允等會審
轉稟軍門令送正中文明等到關示下割領回
司再許備族屬以全親親之義其從黨男婦名
口亦望割還就聽照舊回貫若范子儀前曾誘
正以後別起邪謀走竄海岸竊掠邊隅罪不可
赦今宏澤已行委叔父莫敬典宣撫黎伯驪莫

敬等提領水船由海道進并轉差阮倩督併諒
山路宣撫及府衛等官糾率步騎由山徑進合
剿子儀黨輩緣慮子儀屯聚倚向欽州近界如
極討窮追恐他或透擾

天境又重安南管轄之過伏乞軍門行廣東海北道
守巡等官嚴督廉欽等府州調發官兵把截海
港關隘哨堡毋容子儀透容等因臣等又行該
道守巡等官嚴督官兵防捕及會着得知府周
允等呈稱安南都統使司年例貢物已出壽昌
驛又候但查申內開報夷使與原申夷使姓名

不同又行左江道守巡官督行太平府掌印官
并督備龍憑地方指揮孫文繡移文長慶諒山
府衛傳諭莫宏漢原差貢使尅日齎捧貢物至
關各官親詣開關查審差來貢使因何前後開
報姓名不同是否年例脩貢如無別故即便驗
放就將貢物公同貢使點視的數暫於南寧府
建武驛住歇聽候奏

請施行去後續據都指揮俞大猷呈報安南夷賊
范子儀范子流等復寇欽州如昔等處地方督
兵擒斬范子流等一千零八十八名顆及據呈

稱安南莫敬典黎伯驪等申報擒獲范子儀及其黨二千餘名等因除另行具

奏外今據前因臣會同鎮守兩廣地方總兵官征蠻將軍太保蕪太子太保平江伯陳議照安

南都統使司例該三年一貢自嘉靖二十四年該司都統使莫福海修

貢之後至嘉靖二十七年正係

貢期莫宏澤應襲權管司事亦已依期遣使扣關申請時以莫正中等之訴方行體勘因懷疑畏遂巡旁郡而未敢前者逾一年臣等查得莫宏

漢係先都統使莫福海嫡長親男例應承襲本
無可疑莫正中等之訴亦止謂既敬有異志且
謂莫宏漢有變故耳今莫宏漢既見存權事遣
使修

貢則群疑自可釋又經兩省各道勘報相同則彼
中事情似已明白况年例脩

貢係外夷所以敬事

天朝我

國家所以柔服遠人之重典今土官衙門應襲見
男未經承襲者一體修

貢則莫宏漢雖未襲都統使職事似應比照臣等
除將莫宏漢承襲并莫正中
等勘處事情仍督
催兩廣司道各官再審勘的確會議停當另行
會本具

題外所據修

貢一節審係年例已經行據廣西太平府知府周
允督備龍憑地方指揮孫文繡臨關體勘果已
守住日久實出至誠復行該道委官驗放過關
暫於南寧府安歇恭候

明旨如蒙

勅下該部再加查議合無准照土官事例行臣等照
依年貢舊規差官伴送差來宣撫黎光賁等并
通事醫官士從人等齎捧方物赴京投

進惟復仍候莫宏漢承襲之日另備施行緣係歲
貢事理未敢擅便爲此具本請

旨

嘉靖二十八年十月 日

欽差提督兩廣軍務兼理巡撫兵部右侍郎兼都察
院右副都御史臣歐陽 爲擒斬獲叛賊事

據安南都統使司應襲都統莫宏漢申蒙

天朝廣西南寧府知府王貞吉太平府知府周允暫
管督備龍憑地方守備慶遠以都指揮體統行
事指揮孫文繡等官牒文俱奉兩廣軍門會牌
備行到司莫宏灑遵照案查先蒙督備龍憑地
方指揮孫文繡會同太平府知府周允來文行
令宏灑起兵徑出萬寧州務將逆賊范子儀等
并各餘黨擒斬盡絕解報等因莫宏灑遵依差
委叔父莫敬典宣撫黎伯驪莫敬等領兵前去
安邦海岸擒殺逆子儀等輩間續奉兩廣軍門
差委俞都司督領

天兵數萬前來萬寧永安等地方追殺范子儀等輩
當陣擒獲徒黨范子流范廷真等二百九十二
名殺獲賊級八百一十一顆彼時莫宏灑又蒙
太平府知府周允督備龍憑地方指揮孫文繡
來文節行查催務在擒殺范子儀等解報宏灑
仍行督催叔父莫敬典宣撫黎伯驥莫敬等立
限嚴率各該將目阮唯范瓊阮師董黎克惇阮
鏡等踰踪跟至河檜山源於舊年八月二十六
二十七至九月初三初四等日范瓊阮師董阮
侃莫有命阮晉擢裴玉瑋等連戰大破逆子儀

黨輩臨時阮唯首拿獲潘維則有阮準阮德聰
等從并范瑀在傍見證阮鏡首拿獲黃祖逖有
周喬劉欣等從并阮文迎在傍見證黎克惇又
首拿獲逆子儀正身有陳琮武文蘭等從并范
有教陳馨等同陣見證其逆子儀等於擒獲時
徧身刀創痛楚而死不即生解緣安南自古及
今未慣知

天朝解功體例以此止取首級不取小功若前項首
級委係叛賊范子儀潘維則黃祖逖等真正頭
面醜函付官目阮盤杜必教阮度阮子瓌等領

解投獻軍門閱驗其族惡莫宣於陣敗時前來
投首隨釋其罪首謀逆貴和與各餘黨三百一
十餘名臨時殺沒于海尚有二千三十九名口
查係萬寧永安等州各村分土民審果當時各
被范子儀流叛勢逼強從幸今脫生俱各向官
招集復業范子儀等妻子俱各死沒無存轄內
人民各賴

朝廷

洪恩安輯無虞今蒙前因遵依查明合就申報軍門
伏乞施行等因到臣據此案查先為地方事節

據廣東廉州府并欽州申稱安南夷賊范子儀
范子流等肆逆犯順攻圍欽州劫掠鄉村燒毀
營堡殺傷官軍節經行仰該道守巡叅將官督
兵防守及陸續調發漢達官軍巨兵打手人等
前去協同見在官軍團營操守防捕并行據廣
東都布按三司右布政使等官蔡雲程等議呈
保留廣東都司改除福建都司署都指揮僉事
俞大猷仍以原銜添註廣東都司僉書專一駐
劄提調廉欽地方事寧另議陞改緣由前來該

臣等會本題

請保留及一面暫委本官前往欽州駐劄提調并
委廣東布政司左叅政沈應龍前去料理隨據
都指揮俞大猷稟稱夷賊范子儀等船隻在海
劫掠應調兵船防捕等因又行委廣東按察司
巡視海道副使黃光昇親詣東莞新會二縣督
同知縣孫學古林騰蛟選募烏艚橫江船并中
小哨船及兵夫委指揮徐濬孫敏等管領前去
聽該道守巡叅將都指揮等官相機調度又據
廉州府稟據欽州稟報嘉靖二十八年正月十
二日有夷賊約船一百餘隻兵有四五千人四

面包圍架梯攻城等因又該臣等查該打手目
兵馳往該州截捕及督催募兵船速往策應
并催調廣西太平府土官目兵責令該府通判
戴懋親領馳往欽州行令都指揮俞大猷等通
將見在官兵分布哨道水陸勦捕及行委廉州
府同知趙可旦專一管理糧餉續據太平府知
府周允督備龍憑地方指揮孫文繡差人齎繳
安南都統使司應襲都統莫宏漢申稱范子儀
前脅誘正中後再別起邪謀走竄海岸竊掠邊
隅罪不可赦就令宏漢已行委叔父莫敬典宣

撫黎伯驪莫敬等提領水船由海道進并一面
轉差阮倩督併諒山路宣撫及府衛等官糾率
步騎由山徑進合剿子儀黨輩緣慮子儀所屯
聚倚向欽州近界如極討窮追恐他透擾

天境又重安南管轄之過宏灑伏乞軍門行廣東海
北道守巡等官嚴督廉欽等府州調發軍兵把
截海港關隘哨堡各處要加防謹毋令子儀透
容庶該司所差目兵得便擒捕等因又經備行
海北道守巡等官嚴督官兵加謹防截及行左
江守巡叅將等官并太平南寧二府督備龍憑

指揮孫文繡移文長慶諒山等府衛傳諭莫宏
翼督發兵船速出萬寧州等處追捕務獲逆賊
范子儀等解報又據都指揮俞大猷呈報獲功
緣由臣等會本題

知續准兵部咨為夷賊擁衆流劫鄉村殺死職官
事該巡按廣東監察御史黃 題前事本部

覆議題奉

聖旨這夷賊入境肆擾依擬行總鎮官設法驅勦以
安地方如怠忽失事治罪不饒欽此欽遵又准
兵部咨為保留將官以安邊方以弭夷患事該

臣等題前事本部覆議具題奉

聖旨俞大猷依擬用安南事情着總鎮等官勘議回
奏欵此欵遵各備咨前來俱經通行欵遵查照
續又爲平定夷賊查覈功罪以明賞罰事該臣
等將都指揮俞大猷等督兵續獲功次緣由會
本具

題隨又據安南都統使司應襲都統莫宏瀛申爲
擒斬獲叛賊事內稱蒙

天朝廣西太平府知府周允督備龍憑指揮孫文繡
等官來文奉守巡二道牌奉兩廣軍門會牌行

令莫宏灑速調官兵徑出萬寧州擒勦逆賊范子儀等正身并各餘黨務在盡絕以正法紀蒙此莫宏灑查照已於嘉靖二十八年五月十八日差官范瓊黎克惇阮師董范瑤阮陣等從水道追勦范子儀等於禁藤海門范子儀敗刃棄船率帶餘黨遁走安邦海岸收獲水船一百五十餘隻七月八月又蒙知府周允指揮孫文繡牌文節次嚴督催殺范子儀等作急解報轉解軍門毋得坐視莫宏灑遵委叔父莫敬典宣撫黎伯驥莫敬等總領屬將阮侃阮銳莫有命阮

晉擢阮文迎等率領水兵由海道進屢蒙知府
周允等官明文督催莫宏漢又差宣撫阮倩武
恂督催諒山路宣撫楊諫阮當譚志阮榮回并
府衛官杜士廉阮廷傑常克家杜公朗等隨領
步兵由山逕進合勦間績蒙軍門差俞都司督
領天兵追至萬寧永安地方節次敵殺子儀等
敗走莫宏漢仍督催叔父莫敬典并黎伯驪莫
敬等立限進兵自禁江白藤等海門至新安萬
寧等州海岸合攻大破其族惡莫宣向前投首
隨釋其罪同惡阮貴和并餘黨三百一十餘名

盡殺沉沒于海范子儀等勢罷棄船上岸走險
又蒙知府周允等明文再四查催務要擒殺鮮
報莫宏漢遵依急行叔父莫敬典并黎伯驤莫
敬嚴限黎克惇陳琮等分兵踰踪跟至萬寧州
河檜山源處九月初三初四逐日當陣擒獲潘
維則黃祖逖及連追擒獲范子儀正身其逆子
儀潘維則黃祖逖於擒獲時並身被刀創痛楚
而死不即生鮮仍函各首委付官目阮盤杜必
教阮度通事阮子琅等領鮮由鎮南大關聽候
開關驗放投獻軍門施行等因前來臣等當將

鮮到各賊首級發仰分守雷廉高肇地方左叅
將馮文焯會同中軍坐營都指揮錢希賢督同
雷州府掌印官審驗隨據各官呈稱會同親驗
得一顆左耳被刀傷缺上截鬚與髮俱存一顆
無傷痕微鬚與髮俱存上唇石灰醃裂一顆無
傷痕牙鬚與髮俱存各無小功取具督備指揮
孫文繡官目阮盤杜必教等及件作各不扶結
狀繳報前來該臣等會看得逆賊范子儀等潛
住邊界率黨友亂數犯欽州悖逆天常已經軍
門委官驅勦猶得脫逃該都統使司乃能遵奉

明檄督兵擒獲函首來獻誠可嘉尚但軍門見
行驗功體例凡首級必連小功及開報斬獲首
從見證各員役姓名以防詐僞今解止是首級
於例未合恐有詐僞况其餘黨又未見聲說下
落俱礙奏

聞已將功級暫發欽州收候查明另行發往近邊地
方梟示并將原差來官目阮盤等量行犒賞遣
發回還及行南寧太平二府各掌印官會同督
備龍憑地方指揮移文附近長慶諒山等府衛
傳諭莫宏漢備查原解報擒斬獲逆賊范子儀

潘維則黃祖逖各首級是否真正因何俱無小
功及原擒斬獲各的是何首從見證員役姓名
有無詐僞明白開報并行分巡左江道行會分
守并叅將官督行查報去後今據前因臣會同
鎮守兩廣地方總兵官征蠻將軍太保兼太子
太保平江伯陳議照自古夷狄疆場之患雖
堯舜之世不能無惟在我有以驅而誅之則已
矣未有能使其主自爲擒斬而又函其首來獻
者也前交賊范子儀等數犯欽州衆號數萬雖
該都指揮俞大猷敗其徒黨搗其巢穴然渠魁

多逃餘賊尚衆我師雖銳有乘勝之氣然拘於
夷夏之界未敢窮追若使其孽本一日未除則
欽廉之患一日未已今安南都統使司見行勘
襲都統莫宏漢乃能遵照臣等節行傳諭督率
官兵將范子儀等擒獲又遣使並函其首來獻
大憝旣除餘黨就戮諸所脅從又俱已招安復
業旣經該府備等官駁查明實地方之患盡平
軍民之恨已雪是皆仰賴我

聖天子在上

聖德神功與天道並運故能使遠裔服屬之臣奔走

職事於窮荒千萬里之外罔敢逸豫敬畏

天威於不違顏咫尺之間罔敢墮越實古今之曠典也所據莫宏漢趨事之勤恭順之篤似應量行獎賞以勵將來但承襲事情見勘未結如蒙乞勅兵部再加查議應否候莫宏漢結勘明白承襲之日量加獎賞以柔遠人而尊

國體係干

恩典恭候

聖裁緣係擒斬獲叛賊事理未敢擅便爲此具本請

旨

嘉靖三十年月八日

交黎勦平事畧卷之三